

Zu einer erkentnifs des ankunfft oder entsprungung  
der Metallischen ertz/ist zu wissen/ das dis Büchleyn  
(von ertzlicher oder minerischer geburt genät) wirt  
geteylet ynn zehen Capittel oder teyl.

**Das erste Capitel oder**  
der erste teil/ist von gemeinem vrsprung  
der ertz/es sey Silber/golt/zin/kupffer/  
eyfen oder bleyertz. Inn welchem sie alle  
vber eyn treten/vñ mit einem gemeinē na  
men genant werden Metallisch ertz/ Ist  
zu mercken/das zu der waschlig oder ge  
burt metallisches ertz/ gehört ein wircker  
vñ ein vnderworffen ding/ oder materie  
die da geschickt ist zu empfahē die wirck  
ung. Der gemein wircker des ertz vñ aller  
ding die geboren werdē/ist der himel mit  
seinem lauff/scheyn/ vnd einflus / als die  
naturlichen meister sprechen. Der einflus  
des himels wird gemanchfeldiget durch  
den lauff des firmaments vñ widerlauff  
der siben Planeten/Warumb ein iglichs  
metallisch ertz ein sonderlichen zugeeyg  
nigten einflus empfahet von seinem eigen  
Planetē/vmb eygenschafft willē des pla  
neten/vnd des ertz/ auch vmb eynikeit yñ  
werme/Kelte/feuchtig/vñ truckenheit/  
Als das golt von der Sonnen/oder yhrē  
einflus. Das silber vñ dem Monde. Das